



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«25» 01 2021թ.

ք. Երևան, Ս. Դավթի 87Ա

ՈՐՈՇՈՒՄ N 626-2-Ա

ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով ֆիզիկական անձ Ֆրունզիկ Մադաթի Զալինյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Ֆրունզիկ Մադաթի Զալինյանի (ՀՎՀՀ 66978384, ՀԾՀ՝ 2909500012, Հասցե՝ Լոռի Գյուլագարական Գարագառ Կենտրոնական փ., 63) չկատարված հարկային պարտավորությունը 08.11.2019 թվականի դրությամբ կազմել է 115.000 դրամ, որից ապառք՝ 100.000 դրամ, տույժ՝ 15.000 դրամ, որն առաջացել է ֆիզիկական անձի կողմից 2018 թվականին անշարժ գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 09.03.2020 թվականին կայացվել է թիվ 626-1-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 09.03.2020 թվականին թիվ 626-1-Ա որոշումը կայացնելուց հետո ֆիզիկական անձ Ֆրունզիկ Մադաթի Զալինյանի կողմից ներկայացվել է եկամտային հարկի և սոցիալական վճարի 2018 թվականի տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 09.03.2020 թվականին կայացված թիվ 626-1-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով ՀՀ վարչարարության հիմունքների և վարչական վարույթի մասին>> ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Ֆրունզիկ Մադաթի Զալինյանի վերաբերյալ ՀՀ ՊԵԿ իրավաբանական վարչության պետի կողմից 09.03.2020 թվականին կայացված չկատարված հարկային պարտավորությունները գանձելու մասին թիվ 626-1-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

(Handwritten signature)



ԱՐՄԱՆ ՄՆԱՑԱԿԱՆՅԱՆ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ